



Jens NapātōK'
Inatsisartunut ilaasortaq, Naleraq

**Ilinniartitsisunngorniarfiup aningaasalersorneqarnera pillugu § 37 naapertorlugu
apeqqummut nr. 030/2025-mut akissut**

23-05-2025
Suliap normua: 2025 - 9824
All. nr. 25374062

Asasara Jens NapātōK'

Postboks 1029
3900 Nuuk
Oqarasuaat: +299 34 50 00
Email: iktin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

**Ilinniartitsisunngorniarfiup aningaasalersorneqarnera 16. mio. kr.-nik
annikinnerulersimasoq KNR-ip nittartagaani atuarneqarsinnaavoq.**

**1. Ilinniartitsisunngorniaqarfiup sipaarfigineqarnera ilinniarnernup
pitsaassusaanut
qanoq kinguneqarpa?**

Akissut:

Ilinniartitsisunngorniarfimmu aningaasaliissutit ikilisinneqarnerat sipaarniarnermik tunngaveqanngilaq, pissutsilli pingasut imminnut ataqatigiinnerannik tunngaveqarluni, tassaasut: 1) ilinniartitsisutut ilinniaqqinnissamut ingerlariaqqiffiusumillu ilinniarnissamut qinnuteqaatit ikinnerusut akuerineqartalernerat, 2) inuusuttut qinnuteqartartut ikiliartorput, taamalu ikinnerusut ilinniagaqarnissamut akuerisaasarlutik, aamma 3) ilinniagassatut toqqarneqarsinnaasut amerliartuinnartut neqeroorutigineqartalerput, taamalu ilinniagassatut toqqakkami akuerineqartartut ikiliartorlutik. Taakku kingunerannik aningaasat atorneqanngitsut utertinneqarput.

a. Suut sipaarfigineqarpat?

Akissut:

Takuuk apeqqut 1-imut akissuteqaat.

**b. Ilinniartitsisunngorniat ilinniartitaanerata pitsaassusaaqut qanoq
sunniuteqarpa?**

Akissut:

Ilinniartitaanernut aalajangersimasunut sipaarniarloqanngimmat, atuaqatigiiaalli ikilinnarsimmamata ilinniartitaanerup pitsaassusaa sunnerneqanngilaq. Naalakkersuisut pitsaassutsimik pingaartitsilluinnartuupput ilinniartitaanermillu pitsaanerulersitsiniartuarlutik.

2. Immikkut pisariaqartitsisunut Naalakkersuisut qanoq suliniuteqarpat?

Akissut:

Tamanna immikkut pisariaqartitsisunut atuartitani aamma atuartitani atuuppoq.

Meeqqat atuarfianni immikkut atuartitsinerup pitsanngorsaaffigineqarnissaa, tassunga ilanngullugu atuartut immikkut pisariaqartitsisut sullinneqartarnerisa pitsanngorsaaffigineqarnissaa siunertaralugit 2025-mut Aningaasanut Inatsimmi ukiunilu missingersuusiortiusuni Ilinniartitaanermut Aqutsisoqarfik pillugu konto pingaarnermut 20.10.70-imut 5. mio. kr.-t immikkoortinneqarsimapput. Aningaasat meeqqat atuarfianni immikkut ilinniartitsinerup ilinniartitsinerup ilinniartitsinerup atortussanut atugassiaapput.

Ilisimatitsissutigineqassaaq naalakkersuisoqatigiit isumaqatigiissutaat atuuttoq aamma Inuit Innarluutillit pillugit Naalagaaffit Peqatigiit 2024-2034-mut isumaqatigiissutaata malinneqarnissaanut iliuusissatut pilersaarut (Meeqqanut, Inuusuttunut Ilaqutariinnullu Naalakkersuisoqarfik, 2023) tunngavigalugit Ilinniartitaanermut Aqutsisoqarfimmit suliniutissat sammisassallu immikkut ilinniartitsinerup pitsanngorsaqaataasussat meeqqallu atuarfianni peqataatitsissat pilersaarusiorneqaleruttormata. Ukioq manna sammineqartussatut ilaatigut taaneqarsinnaasut tassaapput, ilinniartitsisut immikkut ilinniartitsisartut piginnaanngorsarneqarnissamik pisariaqartitaannik qulaajaasoqarnissaa, ilaatigut atuartut immikkut ilinniartinneqartut meeqqat atuarfianni soraarummeersinnaanerisa ukkatarineqarnerunissaat (tassunga ilanngullugu inatsimmi allassimasutut immikkut atugassaqaartitaalluni misilitsinnissamut periarfissanik atuisoqarnerunissaa), kiisalu ilisimasat avitseqatigiissutigineqartarnissaa, sulianut tunngasutugut nutaanik immersuisoqartarnissaa attaveqaateqartoqalernissaalu siunertaralugit ilinniartitsisutut siunnersuisartut isumasioqatigiissinneqarnissaa pillugit Ilinniartitaanermut Aqutsisoqarfimmit pilersaarusiortoqarnissaa.

3. Klassini atuartut amerlavallaartarnerisa pitsanngorsarnissaanut Naalakkersuisut qanoq pilersaaruteqarpat?

Akissut:

Meeqqat atuarfianni atuartut tamarmik atugarissaartuunissaat, ineriartornissaat sapinngisamillu ilikkagaqarnerpaanissaat Naalakkersuisunit salliutilluinnarneqarput.

Tassunga atatillugu klassimi ataatsimi atuartut amerlassusiisa qanoq sunniuteqartarnerat Naalakkersuisunit misissorneqarusuppoq.

Meeqqat atuarfianni atuaqatigiiaat qanoq amerliartortigisarneri malinnaaffigineqarnissaa siunertaralugu, atuarfiit ukiumoortumik oktobarip aallaqqaataani nalunaarusiarisartagaat Naalakkersuisunit malinnaaffigineqartuuppoq.

Ilisimatitsissutigineqassaaq Atuarfik pillugu Inatsisartut inatsisaat pillugu Namminersorlutik Oqartussat nalunaarutaata nr. 19, 27. april 2023-meersup § 6-iani imatut aalajangersagaqarmat:

"§ 6. Klassimi ataatsimi atuartut amerlassusiisa ukiup atuarfiusup aallartinnerani 26 qaangissanngilaat, taamaattoorli tak. imm. 2.

Imm. 2. Atuartut ilikkartinnissaat atugarissaarnerallu eqqarsaatigisassat pingaarutillit tamatumunnga pissutissaqartitsippata klassimi atuartut amerlassusiisa amerlanerpaaffissaasa ikilisinneqarnissaa pillugu malittarisassanik Naalakkersuisut aalajangersaasinnaapput.

llanngullugu ilisimatitsissutigineqassaaq, tunngaviusumik atuarfimmi atuartut amerlanerpaaffissaat pillugu apequt § 37 naapertorlugu apeqqummut 32/2025-mut akissutissaq suliarineqaleruttormat.

inussiarnersumik inuulluaqqusillunga



Nivi Olsen